

皇朝詞林典故

卷九  
之十

PL  
2548  
C55  
1887  
v. 6

LIBRARY

MAR 24 1975

UNIVERSITY







皇朝詞林典故卷九

臨幸盛典

欽惟我

朝重光累洽

聖

聖相承海宇救寧

文教四訖三代而下未有如



文今日之盛也。嘉慶九年歲在甲子二月。

聖恩初三日。

皇上式循

舊典。臨幸翰苑。臣等躬被

恩榮。觀千載一時之

嘉會。揄揚

盛美。口不能宣。伏考詞林典故一書。纂於



乾隆九年。傳播藝林久矣。茲當歲甲

載周。

上儀重舉。嗣

徽詒慶。允宜續。鄒環之秘簡。昭彬蔚之鉅觀。

爰卽前編。敬加排輯。叅仿昔例。纂成

皇朝詞林典故。誠以

重華協



帝喜起盈廷

燕譽龍光。輝騰冊府。

示儲才之義。

敦勵品之方。典則煌煌。曷奕萬古。考諸前

史。有非翰林志。館閣錄。諸書。侈地望。

而資塵談。所能彷彿萬一者。前編分

類曰。



臨幸盛典曰官制曰職掌曰

恩遇曰藝文曰儀式曰解署曰題名茲概仍

其舊惟

列聖

綸音

宸藻

皇上詔旨



皇朝詩林典故 卷一  
御製均應特標門類。冠諸簡端。用昭美盛。

謹增二類曰

聖諭曰

天章其乾隆甲子嘉慶甲子前後

臨幸盛典。仍敬謹詳述。列於官制之前。勒

昭代之全書。垂萬年之

茂典云。



上儀

乾隆八年冬。

上以翰林院署歲久傾圯。

詔頒大府金重加修葺。

命戶部尚書海望。工部尚書哈達哈。戶部侍

郎三和董其役。越歲訖工。若門。若堂。

若廳。若亭。若垣。黝堊丹雘。嚴翼崇閤。



九年十月。

御書稽古論思集賢清秘二額顏其堂並

賜古今圖書集成一部貯寶善亭。

敕所司諏吉日送掌院大學士鄂爾泰張廷

玉進院。

上親臨錫宴先期禮臣具儀注以聞二十七

日庚午大昕。



車駕出長安左門。設鹵簿。掌院大學士及翰林官俱綵服。集院門外跪迎。

乘輿前引大臣恭導。

車駕入詣。

先師祠行禮。有司豫入設。

御席於後堂中。

寶座前南向。設掌院大學士及分韻諸臣席。



於堂上其餘以次設於東西廊及左右階下俱東西向樂部陳中和韶樂於東西廊下陳中和清樂於東廊下陳丹陛大樂於敬一門左右俱北向有頃中和韶樂作奏隆平之章

上御吉服升座樂止丹陛大樂作奏慶平之章掌院大學士率羣臣由左右閣道



入至階下行禮。如大朝儀。樂止。羣臣詣坐次。一叩首。坐。丹陛大樂作。奏文物京華盛之章。

上進茶。羣臣就坐次。一叩首。樂止。侍衛授羣臣茶。行禮如前。飲畢。亦如之。尚膳移御膳近前。中和清樂作。奏玉署延英之章。

上進饌。樂止。承應上陳。唐代十八學士登瀛。



洲故事。有司以饌分授各筵。承應止。  
乃徹尙膳。復進。

御譙席。兼設羣臣宴。掌儀奉臺蓋。及壺卮。由  
中屏進。丹陛大樂作。奏延閣雲濃之  
章。羣臣俱起立。掌儀司官進。至廊東  
西向立。酌酒。進爵。大臣鄂爾泰。出班  
跪。羣臣畢跪。掌儀以臺蓋授進爵大



臣恭進

御前復跪前所

上進酒進爵大臣一叩羣臣皆一叩進爵大

臣起至

御前受臺琖下復跪掌儀跪接而退羣臣起

立掌儀以金卮酌酒立

賜進爵大臣進爵大臣一叩飲畢掌儀立取



卮退。進爵大臣再叩。興退樂止。羣臣  
皆坐。承應上。陳唐代晦日幸昆明池  
百官賦詩故事。

上召大臣以次至

御前。

賜酒。咸跪飲。一叩首退。侍衛分授羣臣酒。行

禮如



賜茶時。復坐。承應止。丹陛大樂作。奏慶平之  
章。大臣暨羣臣起立。趨階下。謝宴。行  
禮如初。樂止。中和韶樂作。奏顯平之  
章。羣臣皆退。儀部恭導。

上至齋房更衣。

駕出。掌院大學士率羣臣於院門外跪送。禮  
成。方



三才圖會  
卷之八  
讌之初設也。扶桑旭日。纔上觚稜。沆瀣  
珠光。猶盈仙掌。

皇上御黼座。

顧輔臣而言曰。時當陽月。和煦如春。

天心忻洽。朕與諸臣交慶之。羣臣咸頓首稱  
賀。奉

旨。重葺翰林院落成。車駕臨幸。錫宴。送大學



士鄂爾泰。張廷玉進署。以張說東壁圖書  
府五律字爲韻。賦東字音字二首。敕諸臣  
各分一字賦詩。

上又念人數爲字所限。未能遍及從臣。

命復賦柏梁體一篇。

上首倡。諸臣依次分韻。俾凡籍翰林。及旣改  
官晉秩。而舊爲翰林者皆與焉。總百



六十有五人。當承應上時。

上舉十八學士登瀛洲事。

顧大學士鄂爾泰張廷玉曰。卿等無媿房杜。

顧朕弗逮唐太宗耳。二臣惶恐避席。奏言。

陛下上法堯舜。過唐太宗遠甚。臣等謏劣。亦

思孜孜日贊。少効交修之責。然限於

才力。媿出房杜下有負。



聖諭。因頓首謝。

上又因昆明池賦詩事。

諭羣臣曰。翰林之職。雖在文章。要貴因文見道。爾諸臣當明體此意。羣臣竦然敬聽。復頓首謝宴畢。

賜樂善堂全集。性理精義各一部。及名茶。文綺。箋絹。時果。有差。羣臣趨出候。



皇朝詩林典故 卷之  
駕於河隄之東日未移晷尙書公訥親捧

御製七言長句四章宣示命和則

上又於更衣次所走筆立成者也羣臣跪誦

於金和玉節之中寓明良一德之旨

相與驚歎以爲天縱化神從古帝王  
所未有

駕出欽承



天語戒諛崇實。於末章深致意焉。

嘉慶八年秋奉

諭旨。翰林院爲儒臣文藪。圖書清秘。規制

綦崇。乾隆甲子年。

皇考高宗純皇帝曾經

臨幸。錫宴賡吟。允爲藝林盛事。明歲又屆甲

子。朕當踵行斯典。諏吉親臨。用光文治。



再翰林院久未修葺署內

至聖先師祠尤當繕治整齊敬伸展禮。  
又聞詹事府日就傾圯亦應一并飭修。  
爰

命兵部侍郎那彥寶總管內務府大臣常  
福經理其事。玉河東西金碧輝映矣。  
所司以工竣告。

上乃諏吉於次年二月初三日

臨幸日用昭陽辰惟吉亥。据月令則日在

奎。考時憲則星值壁。圖書魏煥協應

璿璣九年正月。

祈穀禮成。

上以掌院學士領袖詞垣躬逢令典。

恩加協辦大學士戶部尙書

臣

朱珪太子



太傅。戶部侍郎。

臣

英和。太子少保。並。

賜英和一品補服。以示。

優寵。復。

欽派儀親王永璇。成親王永理。慶郡王永。

璘。定親王綿恩。大學士保寧等同宴。

而兵部尙書覺羅長麟。以曾掌院事。

通政使趙秉冲。以。

南書房侍直。咸與焉。越日。禮臣恭進儀注。中有應行裁定者。悉蒙傳

旨更正。先期。王大臣暨翰林出身各官。詣署習儀院之後堂南向設

寶座。稍前設

御譙席。兼設王大臣席於兩旁。各官席於左右階下。皆東西向。樂部陳中和韶



樂於東西廊下。陳中和清樂於東廊下。陳丹陛大樂於敬一門左右。皆北向內務府官上宴。侍衛行茶酒。並綵服。敬謹將事。署中自門楣堂檐以及承應奏技之所。咸皆綵飾。二月初吉。上敬念。

高宗純皇帝幸院時。曾

頒賞古今圖書集成全部。俾詞臣咸得觀摩。  
仰維

聖製詩文。闡經明道。茹古涵今。集聖學之大。  
成。括羣籍之精蘊。而

欽定大學石經。超軼漢唐。並宜頒之冊府。因  
詔以內府尊藏。

高宗純皇帝聖製詩文全集及石刻十三經



各一分。交院恭貯。又

賜御書扁額二。曰天祿儲材。曰清華勵品。  
兩朝臨幸諭旨。并製扁恭懸焉。居期鹵簿全  
設。

午門鳴鐘。禮臣請

駕。

皇上御禮服。乘輿出宮。王大臣各官俱綵

服。集署外候。

駕出長安左門。東西向跪迎。旣

進院。前引大臣恭導至中堂。降輿。對引禮

臣恭導

上詣

先師位前。舊典。二跪六拜。

上特行三跪九拜禮。



皇朝詩林典故 卷一  
駕至清秘堂更衣。

遣侍讀學士萬承風謁唐臣韓愈祠畢王  
大臣各官由東西閣道入以次先就  
位。掌院學士奏請

駕出中和韶樂作奏隆平之章王大臣各  
官於坐次跪迎。

上御吉服升座樂止丹陛大樂作奏慶平

之章。王大臣各官。於坐次行三叩首。  
禮樂止。復一叩首。坐。丹陛清樂作。奏  
文物京華盛之章。

上進茶。王大臣各官。一叩首。樂止。侍衛等  
授王大臣各官茶。行禮如前。飲畢。亦  
如之。尚膳移。

御席近前。中和清樂作。奏玉署延英之章。



上進饌樂止。承應上陳唐代十八學士登  
瀛洲故事。有司以饌分授各筵。承應  
止。乃徹饌進。

御酒讌席。丹陛清樂作。奏延閣雲濃之章。  
王大臣各官起立。掌儀司官豫捧臺  
錢壺卮。由中墀進。及廊下。西向立。酌  
酒於臺錢。進爵。大臣英和出位跪。王

大臣各官皆跪。掌儀司官跪授臺琰。  
進爵大臣接捧臺琰。恭進。

御前。仍復原跪處跪。

上進酒。進爵大臣一叩首。王大臣各官如  
之。進爵大臣起。至。

御前受臺琰。下復跪。掌儀司官跪接而退。  
王大臣各官起立。掌儀司官以金卮。



酌酒立

賜進爵大臣。一叩首。飲畢。掌儀司官立取  
卮退。進爵大臣復一叩首。興復位。樂  
止。王大臣各官皆坐。承應復上。領侍  
衛內大臣視侍衛等分授各筵酒。王  
大臣各官受酒。如飲茶儀。

上親賜儀親王永璇。成親王永理。慶郡王

永璘定親王綿恩大學士保寧慶桂  
劉墉董誥協辦大學士尙書琳寧朱  
珪尙書劉權之紀昀覺羅長麟戴衢  
亨侍郎英和等十五人酒與  
賜者以次詣

御座旁跪飲復位承應止先是奉

旨幸翰林院錫宴仍以張說東壁圖書府



五律字爲韻。

御製東字音字二首。敬依

高宗純皇帝元韻。

命儀親王以下三十八人。各分一字賦詩。

諸臣爲字數所限者。仍重賦柏梁體一

篇。

御製首句曰。丕承

考訓欽文思。自親王大臣及庶吉士。以次聯  
吟。總二百有五人焉。是日也。晴雪初  
融。朝陽和煦。

天心忻洽。萬象熙春。

上下相悅之誠。翰墨載賡之樂。蓋有非語  
言所可罄者。爰

頒賞



御製味餘書室全集。九家集注杜詩各一  
部。及名茶。文綺。箋絹硯石有差。禮臣  
奏禮成。丹陛大樂作。奏慶平之章。王  
大臣各官起。謝宴行三叩首禮。樂止。  
中和韶樂作。奏顯平之章。王大臣各  
官皆跪對引禮。臣恭導。

上至清秘堂少憩。樂止。王大臣各官先趨。

出署外掌院學士奏請

駕出衆官咸跪送如儀

上還宮特頒

御製幸翰林院錫宴禮成復得長律二首

命諸王及分字諸臣和韻翼日王大臣各

官具摺詣

乾清門外行三跪九叩首禮謝



恩隨恭進

聖駕臨幸翰林院禮成恭紀凡二百有六冊。

上親加鑒定。陳設各

宮殿傳

旨。賜侍講學士陳嵩慶。中允鮑桂星編修

蔣祥墀。黃焜望。庶吉士胡開益。洪耀

大綴各一疋

皇明詞林典故

卷九

盛典

三



皇朝詞林典故卷九

皇朝詞林典故卷十

臨幸盛典

〔分韻〕

乾隆甲子年

高宗純皇帝

聖製得東字

撫序權居北。占星壁在東。斯干歌翰苑。於樂

皇明詞林典故

卷十

盛典

二



鬯儒風。改殿當年異。登瀛此日同。三台司道  
筦。二老亮天功。樂具卿雲奏。筵開湛露融。底  
希光舊史。長此贊微躬。

大學士伯臣鄂爾泰得壁字

稽古鑒冰淵。集賢逮珠礫。

清鑾一幸臨。曲宴重申錫。湛湛露零蕭。煌煌

雲拂翟。聆

言發羣衆。望道生微的。愧切亮天功。感深維  
帝績。濡毫紀玉堂。挾藻雕瓊壁。

大學士伯臣張廷玉得圖字

卿雲籠玉署。

黼座啟蘿圖。甄影迎

天步。金聲仰

聖謨。



龍文成五采。虎觀拜諸儒。襄贊臣何有。賡颺

帝曰俞。宴歌魚在藻。詩叶鳳鳴梧。兩世桓榮  
席。捫心感愧俱。

大學士臣福敏得書字

瀛海通仙島。蓬萊近

帝居。經營

命將作。師濟集華裾。吉日鳴

鑾輅彤雲麗玉除。歌詩傳漢體。採藻邁唐初。

典以

絲綸重。賢從棧樸儲。皇哉

文治蔚。金管不勝書。

大學士臣陳世倌得府字

鳳沼構新模。

金根臨祕府。昭回斗極瞻。



三言本典古  
卷一  
揆麗天葩吐署榜煥

宸章肆筵優上輔賡歌遇益隆式宴

恩尤溥芸館得師資綸扉慚步武瑤編盛事  
傳

泰運符三五

大學士臣史貽直得西字

延閣崇華構丹楹煥碧題五雲承

玉輦。

六馭下金閨。珠樹聞鸞噦。梧岡有鳳棲。訾黃

漢詎擬飛白。宋寧齊清漏。因風遠餘

香滿袖攜。

皇儀儼升日。鵠伫

御河西。

尙書<sub>臣</sub>任蘭枝得園字



蓬觀輝文棟。儒風振禮園。

輦臨承寵渥。宴錫拜

恩蕃。領署榮朝宰。斯文仰

至尊。翰林華蓋近。仙榜紫雲騫。地有儲材重。

庭霑緯露繁。侍

宸曾舊忝。燕賀喜同論。

尙書臣彭維新得翰字

玉河鼇柱凝。冰署翬飛煥。

法駕此經臨。錄圖仰總貫。晴暉麗廣櫺。

天藻瞻層漢。襲衮鼎台榮。飲和卿士衍。陪遊

殊北門。稽典軼東觀。交勉抒丹誠。寧

徒濡紫翰。

尙書臣張照得墨字

天祿成雲亭。經郛闡香域。知印重黃



扉爲龍下

紫極詞猗玉井蓮。翰潑金壺墨。

瑤札開日華。文機効花織。咸歌

元首康。宜竭股肱力。

臣

筆乏顏筋。茗華辱鐫

勒。

尙書

臣

汪由敦得林字

瀛沼文章圃。蓬山道德林。論思寅亮

重著作職司欽祕署新雲構。

鑾輿賁日臨。

仙毫揮禹篆。

聖藻協虞琴。列座霑需澤。分箋屬雅吟。榮因

稽古力。賡拜奉

徽箴。

左都御史

臣

劉統勳得誦字



詞垣棟宇新。

天筆龍鸞縱。地接五雲多。人仰三台共。雍容  
大駕臨。左右元臣從。賓筵周禮陳。韻字唐賢  
用。颺言到衆僚。紀事聽輿誦。允矣毓  
珪璋。休哉興雅頌。

侍郎<sub>臣</sub>阿克敦得詩字

文槐雲際起。彩仗日邊移。

天什披瑤檢。

恩波溢鳳池。圖疇開聖統。禮樂及昌期。

寵錫夔龍佐。文聯班馬詞。持衡慚厥職。珥筆

憶當時。燕樂承

君貺。同歌保定詩。

侍郎臣梁詩正得聞字

祕苑新苞茂。清時洽軌文。領才資碩



輔優禮荷

明君。燕酒周王藻。鸞旂魯泮芹。

題瞻重璧合。韻許列仙分。

帝曜輝丹地。奎躔麗錦雯。綳旂增故事。

盛典越前聞。

侍郎

臣

彭樹葵得國字

冊府慶重新。堂廉賡一德。雍容侍從

才鄭重清華職。鰲禁燦星躔。蘭臺依  
斗極。深嚴鳳來儀。峻聳鳥斯革。

綵仗藹穆纒。

薰歌垂麗則。寧惟異數誇。矢報期華

國。

侍郎

臣

陳惠華得政字

西清文囿開。東壁奎躔映。孔彞煥離

盛典

八



明來遊宣

巽命風華首

盛朝勸相美王政。

龍畫燦璇題。天漿挹斗柄。槐廳湛露歌。藜閣

斯千詠。三爵秩宏儀。千秋逢

主聖。

侍郎

臣

錢陳羣得講字

輪奐起奎垣。螭鼈迎

御棒。向榮柯發條。濬脈井通港。周孔會精神。

堯湯齊背項。山輝玉韞烟。川媚珠胎

蚌。顰俊重旁招。論思資坐講。所希均

化鑪。俗厚銷爭妬。

侍郎臣德齡得易字

人文慶化成。石渠煥新宅。



聖日親降臨。台星領仙籍。弼諧襄禹謨。幽贊  
研羲易。英濩動金甌。雲疊羅綺席。

九重深念典。寮案思無數。湛湛露斯零。柯亭

森翠柏。

侍郎

臣

呂熾得見字

文教首蓬瀛。

鴻儀今創見。鑾坡楹桷新。瓊榜星雲綯。

廳樹颺龍旂。亭波涵雉扇。欣瞻

日采臨。特重珠衡眷。雅韻發金聲。華筵羅玉  
饌。卿僚載拜賡。千古傳詞院。

內閣學士臣宗室塞爾赫得天字

美奐瞻新署。

溫綸錫九天。

洪頤森羽衛。清珮萃班聯。仙榜雲霞爛。



宸章日月懸。馨承頒玉醴。榮忝立花磚。載頌  
逾三祝。興歌叶五絃。昇平叨盛遇。寔  
數徹金蓮。

內閣學士臣德新得心字

省署森丹雘。鈞衡簡

帝心。堂開紛積玉。榜列燦垂金。鏘珮儒臣集。

和鑾

聖主臨雕盤分

御饌。

鴻藻譜瑤琴共聽薰風奏羣賡晨露吟承

恩重二老由豫盍冠簪。

內閣學士臣秦蕙田得位字

垂裳邳治昌建極文思賁洵直叶風  
詩殊榮光鼎位。



義文緯璧輝。

舜日金坡被。沆瀣泛瑤卮。韶咸諧鳳吹。

恩涵劉井深。化與瀛壖暨。染翰職絲綸。銘心

拜

嘉賜。

副都御史臣勵宗萬得竊字

帝錄運昌明。詞林地清切。丹青聿壯觀。杞梓

儼成列。

光華雲日昭。

恩數古今絕。韻許百僚分。醴因元老設。兩省

厯追陪。三世重叨竊。報稱夫如何。低

徊緬曩哲。

通政使<sub>臣</sub>敷文得和字

翬翼占奎朗。鸞鳴協景和。盛儀班玉



陛。

清蹕駐鑾坡。署迴金華爛。池深魚藻多。

鴻恩榮輔弼。燕喜集簪珂。湄露詩堪比。陽春

節乍過。小臣司獻納。大化詠菁莪。

通政使臣張若靄得美字

華省葺初成。鸞臺聽

輅聲。九天瞻

黼黻六琯奏韶莖。

露向豪端湛。春從句裏生。詩分燕國字。禮重

傳巖羹。

曠典光圖牒。羣材萃

盛明。小臣慚接武。兩代沐

恩榮。

大理卿臣嵩壽得重字



睿澤逮仙班。元衡

恩禮重。廣儲梁棟材。曰惟舟楫用。的礫八磚

明。深沉三館共。推誠遠邁唐。題署還

超宋欣覩

翠華來。得叨簪筆從。卷阿愧矢音。願效王褒

頌

詹事

臣

張鵬翀得恩字

仙禁新丹采。龍墀賁紫軒。百年文際  
盛。二老德彌惇。譙樂隆儀備。圖球

至教尊。

璇題聯象緯。

睿思蘊乾坤。苑樹先春氣。宮袍得酒痕。小臣

蒙

眷渥。分韻亦沾恩。



太僕卿臣劉綸得叨字

蓬館迎

仙仗。堯觴許共叨。築隄延上相。珥筆列  
詞曹。鑾署覘清切。

龍章荷寵褭。詩徵羣玉府。樂譜八琅璈。甄影  
移瑤席。鑪香染纈袍。願言銘

盛軌。虞抃戴瀛鰲。

僉都御史臣嵇璜得醉字

蘭臺望崇嚴。芸館職清祕。宏規煥木

天。

御氣通丹地。奎壁炳台衡。雲霄紆

日轡。

帝歌鳴鳳儀。

宸筆翔鸞賁。宴衍頌那居。禮成歡旣醉。館規



拓前編。仙籍資新記。藹藹盼槐廳。祥  
烟鬱深翠。

少詹事<sub>臣</sub>裘曰修得酒字

瀛池儼跨虹。蓬觀屹連斗。麗日擁冠  
裳。清風開戶牖。焜煌

璇榜書。激灩雕筵酒。道義光三辰。縹緗  
羅二酉。雍雍趨末階。穆穆瞻

聖后許

國有寸心。相將期不朽。

侍讀學士臣世臣得深字

熙朝文治洽。

聖主右文深。壁府圖書煥。芸臺

法從臨。羣仙賡雅什。一德贊天謔。玉醴

盈堯罍。金徽叶舜琴。叨榮逾往古。勉



學媿分陰。忝竊無由報。題辭罄末忱。

侍讀學士臣于振得載字

紅泉耀星楣。紫氣迎

仙隊。藝苑慶遭逢。

宸襟欣茂對。堂深香穗凝。檐聳行雲礙。

寶墨煥晴霞。璫漿浮碧瀼。豈惟重鵷鸞。良以

優鼎鼐。微臣職

起居紀錄光前載。

侍讀學士臣陳邦彥得歌字

桂苑宏規迴瀛洲

翠輦過。

雙題日月麗。

五字錦雲羅。班坐開嘉譙。分曹奏短歌。禮從耆德重。



恩被侍臣多。遲暮依青瑣。追陪振玉珂。染豪  
賡喜起。拜手誦卷阿。

侍讀學士

臣

涂逢震得眷字

西山開祕苑。甲觀敞重闔。五緯奎文  
聚。三階慶澤新。上公同授簡。庶寮共  
垂紳。賤爲題詩擘。

恩沾醉酒均。

天香分玉案。綺席錯花茵。獻壽隨簪笏。同賡  
億萬春。

祭酒臣崔紀得興字

論道重三台。崇儒臨

萬乘。雕楹賀燕翔。藻井文虹亘。鎬宴酌金罍。

虞諧調玉磬。參差花影移。紉縵雲祥

應。幸際



代明良。彌祈天保定。相將贊治機。詎比

吟春興。

侍讀<sub>臣</sub>雙慶得曲字

蘭省駐

宸輿。瓊筵徵雅曲。絃瀛

聖化咸霖雨。台臣屬秀綵。結華輪。雕甍迎瑞  
旭。典墳政所資。德義心斯沃。梁水戢

鴛鴦金臺羅駿駉。登瀛愧匪材。敬業  
期深勗。

侍講臣觀保得情字

萬幾餘暇日。芸署葺初成。葭管緹廬寂。寒花  
輦路榮。堯年甲子始。舜樂應鐘鳴。良輔  
方聯鼎。諸臣共獻觥。醞頌

天澤美。壁映彩豪橫。掌故傳鴻典。康哉洽



聖情。

中允臣于敏中得竭字

香浮白虎樽。雲護蒼龍闕。

明良際泰階。

警蹕傳陽月。班依

寶仗分。膀啟

銀鈎揭。

恩光浹鼎台。

宸詠聯簪笏。題標麗正詩。盛紀蓬萊碣。寵榮  
被詞臣。勉矢涓埃竭。

中允臣董邦達得爲字

梓材賁鄧林。綺組榮金匱。彩映上台  
星光分香案。吏和羹袞繡。聯受爵簪  
裾萃奎斗。麗飛薨雲烟籠。



寶字仰思

聖主恩俯溢愚

臣

愧古訓期服膺。已人審所

爲。

贊善

臣

宋楠得知字

玉卮傳

綸綍。金門盛羽儀。自天飛

翠蓋。就日捧瑤卮。論道敦耆舊。敷言廣

訓辭風清鳩鵲觀。人在鳳凰池。

恩湛三霄露。文慚五色絲。

聖顏瞻有喜。應許侍臣知。

高宗純皇帝


聖製得音字

木天臨翠輦。鵷侶集華簪。廣學心常切。因文  
道可尋。橫汾陰豈昔。來泮水猶今。禮樂於斯



盛觥罍取次斟。詩慚得珍字。辭喜獻官箴。返  
轡重城暮。猶聞歌誦音。

皇朝詞林典故卷十





言本堂  
盛觥罍取次斟。詩慚得珍字。解喜獻官箴。返  
轡重城暮。猶聞歌謠音。

聖朝詞林典故卷十







